

www.BibleForChildren.org

Matiu 26




E ono na dani
gi e jufu mai na
Laulahugna na
Thovoliungi, a Jisas ke
tabiru vano i Betani, na
melehagna a Lasarus, na mane
a Jisas ke vahavi tabirua
kori thehe. Gi Meri ke
haghe mai duagna na
botolo oela ke ghuba toetokegna
me vahotha puala na voligna. Iia ke
rotea tagna na naegna a Jisas gi e vamumuja
tagna na sesehugna. Ma na komi tinoni gougovu
kori vathe kena sibingia na oela iangeni.



A Jiudas Iskariot, imanea sikei tadia nigna
na komi vaovarongo a Jisas, ke vano tadia
mara na naghoi pris me velera imanea
keda peroa a Jisas eigna kedana
vathehea. Kori vido imarea
kena rongovia iaani, imarea
kena totogo puala. Gi ena
taluhaghore vania kedana
hea na rongo.
Leghugna iangeni,
a Jiudas ke pitua
na maghavu
ke toke keda
lubatia a
Jisas vanira.



Mi mara na vaovarongo kena vano
mena eia vaghagna vamua a Jisas
ke velera. Imarea kena kaikalitia
na vanga bali togha tabirua na
Thovoliungi kori vathe iangeni.
Kori vido kena vanga, a Jisas ke
hatia na bred me veletokea a God.
Gi e vidoa me kemulia itadia nigna
na komi vaovarongo
me velera,
"Oti hatia moti
ghania. Iaani
na tonogu."



Gi e hatia na hinao ke mono
na waen ikoragna. Imanea ke
veletokea a God me hera me velera,
"Oti kouvua iaani, ighamu gougovu."
Iaani na ghaughabuagu keda lulu
eidia na komi tinoni eigna a God
keda talutavogha na komi paluhadia.
Na ghaughabuagu keda kaputi ngasia
na taluhaghore haehathe ke
mathangani ke
eia a God vanira
nigna na komi
tinoni.



Jisas ke veleagna a Saimon Pita, "Saimon,
Saimon, a Satan ke kaea a God eigna keda lubatia
na pipilighamugna bali adoa nimiu na vaututuni ke
heta ba teo. Keana inau ku tarai eimu ighoe, a
Saimon, eigna nimua na vaututuni keda boi luvu. Kori
vido koda ghoi piliu mai itagua, o hathera nigua na
komi vaovarongo
eigna keda
heta nidia na
vaututuni."



A Pita ke haghore tughua, "Lod, inau ku kaikaliti bali vano kori vathe tatari duamu, ma na bali thehe duamu." Ma a Jisas ke velea, "Inau ku velegho Pita, ighoe koda tolu horui veleagna ko boi adou gi e tangi na kokorako kori vuvughei puni."



A Jisas duagna nigna na
komi vaovarongo kena
vano kori vido kena
kiloagna i Getsemani.
Jisas ke velera, "Oti
nohe eeni. Inau kuda
taveti vano sina ghathi
vido iso mu tarai."
E teo sa fata keda
vahotha itamua. Saghoi
lubatiu gi kuda papara
vaghagna iaani. Keana o
saghoi leghua nigua na
vanohehe kari nimua na
vanohehe vamua."



Mara na naghoi pris mi mara na Farise kena veleagna
a Jiudas eigna keda hatira duagna na boo soldia gna i
Rom mi kekeha soldia kena kaekalea na Vathe ke
Tabu. Imarea kena hatia na komi jekolo ma
na komi lui ma na komi fata bali rihu,
mena vano jufu kori gnathagna na
ghai olev. Sina mane itadia
ke toka vurukusua na kuli
madothogna nigna na mane
agutu na pukuni naghoi pris.
Ma a Jisas ke velera, "Soto!
Saghoi rihura!" Gi e tangolia
na kuligna na mane agutu
iangeni me vatoke tabirua.



Mara na soldia kena thotia a Jisas mena hati vanao kori vathegna na pukuni naghoi pris. A Pita ke leghura kari e boi taveti gharanira.

Imarea kena ifua na joto kori lalabagna na vathe iangeni, ma a Pita ke nohe duadia mara kena mangiru ngengeni.



Sina nigna na mane
agutu na pukuni naghoi
pris ke mono ngengeni.
Imanea ke tamatahi
tagna na mane a Pita ke
toka vurukusua na kuligna.
Imanea ke huatiagna a Pita,
"Ehava? Inau ku reghigho
duagna na mane iangeni tagna
na gnathagna na ghai olev?" A
Pita ke ghoi velea mua ke boi adoa
a Jisas. Kori vido vamua iangeni
na kokorako ke tangi. A Pita ke
dikahehegna puala me taveti au
kori na lalabagna na vathe me tangi heta.




Mara na Kansol gougovu kena sokara
hadi mena hati vanao a Jisas tagna a
Pailat, imanea ke primia kori provins
i Jiudea, eigna keda fatea. A Pailat
ke huatia a Jisas, "Ighoe na king nidia
mara Jiu?" A Jisas ke
haghore tughua, "Ighoe
kovelea ghohi inau
imanea." A Pailat ke ghoi
velera na mavitu imanea ke

magnahaghinia keda
lubati mamaluha a Jisas.

Kari imarea kena ghoo heta,
"Tupipuhia! Tupipuhia!"




Gi a Pailat ke hiira me lubati
vanoa a Jisas itadia na komi
soldia eigna kedana tupipuhia.
Mara na soldia kena hati vanoa
a Jisas. A Jisas ke hulungia
ghehegna nigna na ghaibabala
mena ghieghilei jufu kori vido
kena kiloagna, "Suasupu Ulu."
(Kori haghoredia mara Jiu na
ahagna na vido iangeni,
"Golgota.")



Ingengeni imarea kena
tupipuhia a Jisas duagna e
rua na mane mua. Rodia na
ghaibabala ke mono rua
thevugna na
ghaibabala
nigna a Jisas.



Turughu kori hotaghi dani me jufu kori tangi tolu, na meleha i Israel doudolu ke puni, eigna na aho ke boi raraha. Na pohe ke sasavera peoa na vido ke tabu kori Vathe ke Tabu nigna a God ke resu me thevurua. Ma a Jisas ke ghuu heta, "Mama, inau ku lubatia na tarungagu itamua!" Imanea ke velea iaani gi e thehe.



Meke haga lavi ghohi kori dani
iangeni, na dani bali kaikaliti
eigna na Sabat. Sina mane,
na ahagna a Josep, ke mai
tagna Pailat. Imanea na
manegna i Arimatea.
Imanea ke mono
kori Kansol ke
fatea a Jisas,

ma na mavitu
kena ghaghana
bohea. Imanea
sina mane ke mono
pitua na reghiagna
na maghavu a God
keda vunaghi
pungusia nigna
namavitu.



A Josep ke hatia na hetagna
me vano tagna a Pailat me
kaea eigna keda hatia na
tonogna a Jisas. Ma
Josep ke vano me
volia na pohe pura
ke teve me hati
horua na tonogna
a Jisas me

filehiagna me
vano boa korai
luma kena jouua
kori ghahira.
Govu, gi imanea ke
kokopilia na ghahira
hutu me ponotia na
hagethagna
na luma.



Sina dani leghugna iangeni, kori
Sabat, mara na naghoi pris mi
mara na Farise kena
vano tagna a Pailat.
Imarea kena veleagna,
"Vunaghi, ighami kiti
togha tabirua na
hava ke velea na
mane piapilau
iangeni."




"Kori vido ke havi mua,
imanea ke velea,
'Leghugna tolu na dani
inau kuda ghoi havi
tabiru.'"



"Mi marea kena vano mena boa na bali
vavangasigna kori ghahira ke
ponotia na hagehagna
na luma eigna kedana
adoa gi sa tinoni
kedana pilia na
kokopili auagna.
Mena boa na komi
soldia bali




kaekalea."



Leghugna na dani Sabat kori pohagna
na thabota kori Sade, Meri gna i
Magdala duagna sina Meri
tavogha koro vano bali
reghia na luma. Gi sina
agnu hutu ke kahia
na thepa eigna sina
enjel nigna a God
ke horu mai i

popo me kokopili
aua na ghahira
kori hagehagna
na luma me
nohe popogna.



Mara na soldia kena kaekale
kori luma kena mataghunia
puala na enjel mena
aiariri. Gi ena sikili
horu kori thepa
mena boi ghaighali
vaghagna na
tinoni ke thehe.



Na enjel ke velera e rua na vaivine
iangeni, "Oro saghoi mataghu!
Inau ku adoa iroghamu koro
hiroa a Jisas gna i Nasaret
kena tupipuhia. Imanea
e teo eeni! Imanea ke
sokara tabiru ghohi
vaghagna vamua ke
veleghamu i hau.

Oramai
moro reghia na vido
kena boa na tonogna."



Roirā koro saīsami au mai kori luma
moro raghe vano bali velera mara na
vaovarongo na rorongo iangeni.
Roirā koro mataghu, kario
totogo pualamua.



Kori vido koro raghe vano, a Jisas
ke mai itadia me velera, "Vuevughei
toke roira!" Gi iroira koro vano
itagna moro torongaghi tuturu
moro tangolia na naegna.
Gi oro maimanihihia imanea.





Vagovugna, a Jisas ke tate vanira mara salaghe sikei
nigna na vaovarongo kori vido kena vangahaidu.

Imanea ke haghore heta vanira eigna nidia na
vaututuni ke boi heta. Imarea kena boi vaututunira
arahai kena reghia imanea leghugna ke sokara tabiru
kori thehe. Leghugna a Lod Jisas ke govua na titiono
vaniragna, a God ke hati hadia duagna i popo ma a
Jisas ke nohe kori madothogna.



Na vunegna a God ke dothovira puala
na komi tinoni kori maramagna, imanea
ke lubatia maia sikei vamua ghathi
Dathegna eigna arahai kena
vaututunia kedana boi thehe,
kari imarea kedana hatia
na havi ke teo na
govugna.



Rom 3:23 Na komi tinoni gougovu kena koakoa ma na puhidia ke haunia na puhigna a God ke haluhadi puala.

Rom 6:23 Na voligna na koakoa, na thehe ke teo na govugna. Keana na dotho a God ke eia vanighita, na havi ke teo na govugna. Tagna na havi iangeni, ighita katida sikei duagna a Jisas Krais, na nida a Lod.

Hibru 9:27 Na komi tinoni e sikei vamua na theheadia. Govu gi a God ke fatera.

Efesus 2:8,9 Na vunegna a God ke pukuni dothovighamu, imanea ke vahavighamu kori vido koti voututunia a Krais.

A God ke vahavighamu boi eigna sa fata koti eia. Teo.

Na vahavighamugna ke eia iangeni, imanea ke hai heghamu vamua. Na vunegna a God ke boi vahavighamu eigna sa fata ke toke koti eia, teo ahai ke tangomana na titiono tautalunagho.



Rom 10:9,10 Gi ahai itamiu koda vele aua kori livomu a Jisas a Lod, mo voututuni kori hehemu a God ke vasokaraghini tabirua a Jisas kori thehe, a God keda vahavigho. Kori vido ko voututuni, a God keda velea ighoe ko jino kori matagna, mi kori vido ko titiono aua Jisas a Lod, a God keda vahavigho.

Jon 3:16,17 Na vunegna a God ke dothovira puala na komi tinoni kori maramagna, imanea ke lubatia maia sikei vamua ghathi Dathegna eigna arahai kena voututunia kedana boi thehe, kari imarea kedana hatia na havi ke teo na govugna. A God ke bosu vetula maia a Dathegna kori maramagna eigna keda fatera na komi tinoni kori maramagna, kari imanea ke vetula maia eigna keda vahavira.



1 Jon 5:11-13 Ighita kati adoa na hava a God ke
veleghita ke tutuni eigna ke heghita ghohi na havi ke
teo na govugna. Ma Jisas, a Dathegna, na hangana bali
hatiagna na havi ke teo na govugna.

Ma ahai ke mono haidu toetoke duagna a Dathegna a
God, imanea ke hatia na havi iangeni. Keana ahai ke boi
mono haidu toetoke duagna a Dathegna a God, imanea
ke boi hatia na havi ke teo na govugna.

Itamiu ghamu koti voututunia a Dathegna a God,
inau ku risoa na komi fata kori letasi iaani eigna
kotida adoa ighamu koti hatia ghohi
na havi ke teo na govugna.



Matiu 26-28; Luk 22-24; Jon 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Bughotu Bible (bgt) © 2009, Wycliffe Bible Translators,
Inc. All rights reserved.

<https://live.bible.is/bible/BGTNEW/MAT/1>

©2026 Bible for Children, Inc.

www.M1914.org

www.bibleforchildren.org

